

Paerewa Paetae**Aronga** Te Reo Rangatira 1.1**Ingoa** Te whakamārama i tētahi kaupapa kua ākona**Kaupae** 1 **Whiwhinga** 6 **Aromatawai** Ā-roto**Marau akoranga** Te Marautanga o Aotearoa**Kokonga akoranga** Te Reo Rangatira**Mana rēhita** Kua rēhitatia **Te rā i mana ai** Hakihea 2023**Te rā e arotakengia ai** Hakihea 2028 **Te rā i puta ai** Hakihea 2023**Te Whāinga**

Ko tā tēnei paerewa he aromatawai i te kaha o te ākonga ki te whakamārama i ngā take matua o tētahi kaupapa i ahū mai i te Taumata 6 o Te Marautanga o Aotearoa.

Paearu Paetae

Paetae	Hei tohu i te paetae: <ul style="list-style-type: none">• Ka whakamārama i tētahi kaupapa kua ākona.
Kaiaka	Hei tohu i te kaiaka: <ul style="list-style-type: none">• Ka hōhonu te whakamārama i tētahi kaupapa kua ākona.
Kairangi	Hei tohu i te kairangi: <ul style="list-style-type: none">• Ka tōtōpū te whakamārama i tētahi kaupapa kua ākona.

Kōrero Āpiti

- 1 I ahū mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Te Reo Rangatira kei: <https://ncea.education.govt.nz>.

<i>Whāinga Paetae</i>	
<u><i>Āheinga Reo</i></u>	
6.1	Ka whakapuaki i te reo Māori ake nei hei whakaahua pikitia ā-kupu.
<u><i>Rautaki Reo</i></u>	
6.3	Ka whakahiato, ka āta arohaehae i ngā kohinga hei rautaki whakaoti rangahau.

2 E whai ake nei ngā whakamārama mō ngā paearu paetae:

Ka whakamārama i tētahi kaupapa kua ākona.

- Ka tautohu i ngā whakaaro matua o te kaupapa.
- Ka whakaatu i ētahi māramatanga ki te kaupapa.
- Ka mārama te reo whakamārama.

Ka hōhonu te whakamārama i tētahi kaupapa kua ākona.

- Ka whakaahua i ngā whakaaro matua o te kaupapa.
- He whānui te māramatanga ki te kaupapa ka kitea.
- Ka whaitake te reo whakamārama.

Ka tōtōpū te whakamārama i tētahi kaupapa kua ākona.

- Ka matapaki i ngā whakaaro matua o te kaupapa.
- He mārama te kite i te kaupapa o ngā whakaaro matua.
- He whaihua te reo o te whakamārama.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>kaupapa kua ākona</i>	<p>He kaupapa ka ahu mai i ngā wāhanga ako o te Taumata 6 o Te Marautanga o Aotearoa. Me hāngai te kaupapa ki tēnei taumata kia taea ai te whakaatu ngā pūkenga me ngā mōhiotanga e tika ana i te Taumata 6.</p> <p>Hei tauira:</p> <ul style="list-style-type: none"> • ko tēnei mea te reo ā-iwi (Te Reo Māori) • ko tētahi tikanga o te whare pora (Ngā Toi) • ko ngā āhuatanga o te tuakiri whaiaro (Hauora) • ko te hanga waitohu e whai wāhi ana te porohita me te tapatoru (Pāngarau) • ko te whakarauora i te repo me ngā tohu o te taiao (Pūtaiao).
--------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

<i>ka hōhonu te whakamārama</i>	He whānui tana mōhio ki te kaupapa, ā, ka tapirihia ētahi taipitopito hei whakaahua i ngā whakaaro matua. Ka whakamahia ngā mōhioanga ki roto i ētahi tino horopaki.
<i>ka matapaki i ngā whakaaro matua</i>	Ka tautokona ngā ariā kua tautohua ki ētahi tauira, ā, ka kōrerohia ētahi hononga i waenga i ngā ariā, ngā pānga rānei o ētahi ariā.
<i>ka tautohu i ngā whakaaro matua</i>	Ka whakaatu i tana mōhioanga waiwai ki ngā ariā o te kaupapa kua ākona. Ko ngā whakaaro matua i maharatia, he whaitake, ā, e tino whai wāhi ana ki te kaupapa.
<i>ka tika te reo whakamārama</i>	He whaitake, he hāngai te reo whakamārama, tae atu ki ngā kupu me te hanganga o te reo.
<i>tōtōpū</i>	Ka whai whakaaro ki te whānuitanga o te whakamārama, ki ngā whakaaro matua me ngā āhuratanga whāiti, ki ngā tauira hei tautoko ake, me te āhua o te whakaahuratanga.
<i>ka whaihua te reo</i>	He nahanaha te takoto o ngā kōrero, he arorau te raupapa o ngā whakaaro. He koi, he popoto te kōrero. He hāngai, he tika, ā, ka kotahi atu ki te kiko o ngā ariā o te kaupapa. Ka whakamahia ētahi rautaki whakawhitiwhiti kōrero e mau ai te kaipānui, te kaiwhakarongo.
<i>whakaahua</i>	Ka whakaatu ā-kupu i te kaupapa me ngā whakaaro matua.
<i>whakamārama</i>	Ko te whakawhānui ake i te whakaahuratanga o tētahi kaupapa kia kōrerohia ai ngā take i puta ai taua kaupapa me ngā hua (pai, kino rānei) ka puta. Me whai whakaaro ki ngā pātai pēnā i te 'me pēhea', me te 'he aha ai'. Me whai whakaaro anō ki te pānga o te kaupapa ki te ao, ki ōna ake wheako anō hoki.
<i>whānui</i>	Kua whai whakaaro ki ngā āhuratanga matua me ētahi āhuratanga whāiti o te kaupapa.

- 4 E rua ngā momo aromatawai ka taea: he aromatawai reo ā-waha (he whakaaturanga pea, he kiriata, he kauhau, he aha kē atu rānei), he aromatawai reo ā-tā rānei (he pūrongo, he tuhingaroa, he aha kē atu rānei).

Ko te mea nui kia hāngai ngā momo reo ki te kaupapa me te horopaki.

- 5 Mehemea he kōrero te huarahi aromatawai, me kōrero māori atu te ākongā i ētahi wā o te aromatawai. Me whai wā rānei ki te matapaki i te kaupapa kia tene noa tana kōrero.
- 6 Mehemea he tuhinga te aromatawai, me tuhinga whai kōwae te hanga, ā, me whai te ākongā i ngā tikanga o te tuhinga roa.
- 7 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.
- 8 Kuputaka

arorau	<i>logical</i>
hāngai	<i>relevant, related</i>
koi	<i>succinct</i>
mahara	<i>recall</i>
māori	<i>natural, unrehearsed</i>
mōhiotanga waiwai	<i>basic understanding</i>
popoto	<i>concise</i>
tōtōpū	<i>robust, thorough</i>
whaihua	<i>to have value, effective</i>
whaitake	<i>appropriate, purposeful</i>

Kōrero Whakakapinga

I whakakapingia ngā paerewa 91657-91668 e ngā paerewa 92073-92076.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233